

113 學年度第一學期 母語兒歌本

一二三

一、二、三，穿新衣，

四、五、六，冊要讀，

七、八、九，毋通號，

歡歡喜喜來學校。

中秋節

中秋逐家來團圓，
泡茶食月餅，
烤肉配柚仔，
閣有月娘來做伴。

來洗手

洗手要注意，
肥皂魯魯魯，
雙手洗清氣，
毋通放忘記。

手巾仔

手巾仔，手巾仔，
真好用，
拭嘴拭手閣拭面，
隨時紮佇身軀邊，
衛生第一閣省錢。

三隻豬

三隻豬，三支鼻，
六蕊目眇，六塊耳，
跋一倒，
十二隻腳翹上天。

砌狗仔厝

紅毛土，繳土沙，
磚仔角，疊乎密，
砌一間厝乎狗仔住，
毋驚寒，毋驚熱，
毋驚澆雨風飛沙。

螞蟻徙位

螞蟻巢，欲徙位，
出門帶棕簑，
棕簑無地借，
舉一枝芋仔葉，
雨來澆贈著。

這本冊

這本冊，金趣味。

大象追老鼠，

老鼠吃著芭樂籽，

芭樂變一隻白鷺鷥，

到底發生啥代誌？

來來來，

大家鬥陣繼續看落去。

冬節

冬節食圓仔湯，
冬節暝上長。
圓仔搓圓圓，
圓仔湯煮甜甜。

甜粿過年

甜粿過年，
發粿發錢，
包仔包金，
菜頭粿吃點心。

113 學年度第二學期 母語兒歌本

圓仔湯

圓仔湯，
食起來甜甜甜，
一面食圓仔，
一面愛團圓。

幼稚園

阮的學校真四序，
唱歌讀冊尚趣味，
運動跳舞人人愛，
快快樂樂笑咪咪。

種花

這一樣，彼一樣，
種到歸百樣，
這開花，彼開花，
四界攏是花。

紅龜粿

紅紅糯米粿，
圓佇桌頂尾，
因仔四界尋，
愛食紅龜粿。

火金姑

火金姑來食茶，茶燒燒，
來食芎蕉，芎蕉冷冷，
來食龍眼，龍眼愛撥殼，
來食林菝，林菝全全籽，
食一下 落喙齒。

媽媽你是我的最愛

 嬰仔的時代，
 佇你的腹肚內，
媽媽你是我的世界；
 自細漢以來，
 佇我心肝內，
媽媽你是我的最愛。

炒米粉

一 的炒米香，
二 的炒韭菜，
三 的沖沖滾，
四 的炒米粉，
五 的五將軍，
六 的六子孫，
七 的煮麵線，
八 的分一半，
九 的九孀婆，
十 的撞大鑼。

呷胖配龍眼

囡仔囡仔車返翻，

腹肚天，

呷胖、飲牛奶、配龍眼，

呷到飽，

繼續翻。

牛佻鵝

大隻牛，細隻牛，

河中咧洗身軀。

大隻鵝，細隻鵝，

河中咧迤迤。

鵝仔吽吽，

牛仔□鵝□鵝。

唱歌咧相褒，

唱歌咧相褒。

端午節

五日節，愛呷粽，
菜粽、肉粽、粿仔粽，
呷了寒衫提去藏。